



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Historia Missionis Anglicanæ Societatis Iesv**

**More, Henry**

**Avdomari, 1660**

Ioannes Rigbey. n. 37.

**urn:nbn:de:hbz:466:1-38320**

1635.

fit; venire quidem aliquando notos quosdam ad uxorem viros, non tamen existimare se tales eos esse quales dicuntur esse. Aderat Pædagogus cum hæc diceret, & exclamat, probe nosse herum qui illi sint, cum eis omnem honorem exhibeat, & præ alijs in mensa, & extra mensam locet venerationis causâ loco honestiore. Iudex accusationem conscribi confestim mandat de Marmeduca Sacerdotum receptore. Ille in genua prouolutus orat, obsecrat, flagitat, lachrymatur, testes appellat circumstantes omnes qui eum quot Hebdomadis ritus communes frequentantem haud dubiè viderant. Nihil proficit; amandatur in vincula. Ingredivus carcerem, conspectâ Catholicâ sibi notâ quæ ibi detinebatur, Heu, inquit, domina, En ego tuæ Religionis causâ ducor, cum Religionem illam haud hæctenus sim amplexus! Intellexit sapiens mulier quid factu opus esset; procuravit illi congressum Sacerdotis, Ecclesiæ conciliatus & postridie plexus, sidera opinato citius, & illustri cum corona transcendit.

## XXXVII.

Ioannes  
Rigbey.

Celebris est actio Richardi Martini Iudicis quam Ioanni Rigbeyo intendit. Hic bono loco natus in famulatum se dederat viduæ Catholicæ; Hæc citata ut in Comitio de Religione responsura compareret, mittit Ioannem uti se ægritudinis causâ excuset, præstato de rei veritate iureiurando. Cui Iudex, quis tu es qui audes pro Papista iurare? & Ioanes, "sum utique homo, & conditione famulus) At præterea quid, reponit Iudex; Papista, an ex Protestantibus aut Puritanis quispiam, cuius demum Religionis? Vis templâ nostrâ frequentare?" Nequam, Ita sanè existimabam; Papista es, & quiduis poteris iurare, habes enim Sacerdotem semper ad manum quite absoluat. "Ego verò (ait Ioannes) non soleo iurare, neque habeo Sacerdotem qui me absoluat.) Tum rursus rogatus de Templis & communione. "Aliquot sunt, inquit, anni ex quo ritibus vestris non interfui, neque volo illis interesse; ad Cænam vestram nunquam accessi, neque accedam unquam, scio enim non esse Sacramentum; sum Catholicus? Credo quod uniuersalis credit Ecclesiâ) Fui istinc semper Catholicus?" Non semper; inter Catholicos tamen educatus; cumq; ad ætatem peruenissem aliquanto maiorem intellexi illam in quam deuiaram viam non esse eam quâ ad salutem perueniretur.) Vis iurare Reginam esse Caput Ecclesiæ? Tum Ioannes, scio quò tendat hæc quæstio; multi sunt quos illa perplexos reddidit; Ego certè non iurabo.) Nos omnes iurauimus, si tu reculas, proditoris es reus, & læsæ Majestatis." Ego vero, inquit, fidelis sum subditus, non proditor; quod vos fecistis, aut alij, ad me non attinet; non iurabo.)

Quid si Papa inuaderet Angliam, ut Religionem vestram inueheret; cuius partes sequeris? Papæ, an Reginæ? "Ad hæc Ioannes, Vitæ, ut video, meæ insidiamini; non est mihi tutum plura respondere.) Digressi deinde ad alia, interrogant an esset Sacerdos, an ordines suscepisset, an transfictasset; quanquam ad singula responderet negando, (neq; enim se dignum existima-



existimabat tanto honore) aliud vero nihil in se suscepisse nisi ut viueret modereturque Catholicè, ut experirentur an capilli in vertice essent ceteris duriores, ut solent esse Sacerdotibus qui sæpè raduntur, vocato tonsore locatum in vicino lapide curant tonderi. Sub eo lapide calefiebant ferramenta quorum vltus est ad stigmata latronibus inurenda; diuturna sessione capere ardere vestes, qua de re cum quereretur, & pararet surgere; Nequaquam, inquit, paratur enim tibi scilicet altera calidior. Si ita est (reponit Ioannes) sedebo equidem libenter hac tanta de causâ, & subijcite si vultis novum ignem. Iterum cum rogassent an vellet eorum ritibus interesse? Nequaquam, inquit, neque enim ista me terrent. Itaque onustum ferro amandâ ad Nouam portam, postridie de capite dicturum. Productum interrogat Iudex quamdiu fuisset Catholicus? Tribus, inquit, fere annis. sequitur igitur te fuisse reconciliatum ab aliquo sacerdote; fatetur ne? Fateor equidem ita esse; adiui enim quendam in custodia detentum; ille autem iam non est in viuis. Præpara itaque te (ait Iudex) ut de capite confestim respondeas: traditumque Commenariensi iubet catenis onerari. At ille, Nullum hoc verbo iucundius mihi ad aures à multo tempore accidit; & hanc quam imponitis, aureâ Prætoris catenâ non commutauero. deditque imponenti mercedem, sicut & antea tonsori.

A meridie, ad se in conclaue vocatum Iudex blandè alloquitur in hanc sententiam: Imperitè nuper, & ut legum incius respondisti; intelligo alterius te nunc esse mentis, & cupere fidelem te præstare subditum Regina; illa in misericordiam prona est; si legibus obsequens fueris acerbiter legum ipsa moderabitur; vis ritibus nostris interesse, adire templa? Quid ad hæc Rigbeyus? Quicumque Dominationi vestræ retulit me in minimo à mea professione deflexisse, hunc inter amicos non numero: neque à me tale vltimum verbū excidit; fidelis sum Reginae subditus, eiusque obsequens legibus ijs quæ religioni non aduersatur. Nunquā significauit me templa vestra aditurum, neque adibo vnquā; & potius quam istud suspiceris, vtere obsecro primis meis responsionibus quibus mea manu subscripti; Ibi manū, hic habetis corpus; quod scripsi, paratus sum sanguine signare. Nolim profecto auferam vobis vllā dare ad existimandum quod ab animo meo primo recesserim; Quod sciant nihil à me aut dictum factumque est quo quisquā merito offēdatur. Si Religio tantum est malum, currat lex in nomine Domini; & eius fiat voluntas.

XXXVIII. Ductus deinde ad subsellia iussusque pro more, manū attollere, inuocato Seruatore Iesu, B. Mariae Virgine, & omnium Angelorum & Sanctorum patrocinio, sustulit alacris, & ad quatuor accusationis capita breuiter constanterque respondit in hunc sensum. Quod obijciunt me fuisse reconciliatum, fateor quidem, Deo; neque video quid in eo possit esse offensionis.

Quod ea reconciliatio quoquo modo spectarit ad animum ab obedientiâ Reginae debitâ abalienandum, aut à legum civilium omnibusque communium imperio auertendum, profus nego.